

Straitéis Turasóireachta Bhéal Feirste

Ceist 1 Beidh tú ag féachaint ar ball ar thuairisc faoi fhoirgneamh nua i mBéal Feirste. Sula bhféachann tú ar an tuairisc déan iarracht na ceisteanna seo a leanas a fhreagairt:

Cén t-ainm atá ar long cháiliúil Bhéal Feirste a tógadh timpeall céad bliain ó shin?

Cad atá ar eolas agat faoin long agus a céad turas?

Ceist 2 Anois gan féachaint go fóill, déan iarracht na focail Ghaeilge a mheaitseáil leis na focail Bhéarla. Cuir do chuid freagraí i gcomparáid le freagraí an duine in aice leat.

Builders _____ Straitéis
Building _____ Cheana féin
Area/Region _____ Gailearaí
Famous _____ Cuairteoir
Gallery _____ Long
Strategy _____ Clúiteach
Ship _____ Ceantar
Already _____ Díolta
Sold _____ Tógálaithe
Visitor _____ Foirgneamh

Ceist 3 Féach ar an mír arís agus abair an bhfuil na frásaí thíos fíor nó bréagach.

1. Chuaigh an Titanic go tóin poill ar an dara lá d'Aibreán 1912
Fíor/Bréagach
2. Is é seo an togra turasóireachta is daoire a tógadh sa Tuaisceart.
Fíor/Bréagach
3. Beidh gailearaí ann ag insint scéal an Titanic.
Fíor/Bréagach
4. Tá an foirgneamh tábhachtach i straitéis turasóireachta an Tuaiscirt
Fíor/Bréagach
5. Chruthaigh an togra os cionn seacht gcéad post
Fíor/Bréagach
6. Tá caoga míle ticéad díolta
Fíor/Bréagach
7. Tá siad ag súil le os cionn 400,000 cuairteoir sa chéad bhliain

Fíor/Bréagach

Ceist 4 a) ‘...an Titanic a *chuaigh* ...’

Cén sórt briathair atá i gceist thuas?

Anois déan iarracht na briathra neamhrialta a liostáil sa bhosca thíos.

Líon amach leagan an bhriathair san aimsir chaite.

Cum abairt chun brí an fhocail a mhíniú.

Briathar	A.Chaite	Abairt
1		
2		
3		
4		
5		
6		
7		
8		
9		
10		
11		

b) ‘...íomhá *thábhachtach*’

Cén fáth go bhfuil séimhiú ar ‘tábhachtach’ thuas?

Déan iarracht na lúbíní a bhaint agus an aidiacht cheart a úsáid.

1. An (fear) (gairmiúil) _____

2. An (bean) (mór) _____

3. An (cailín) (cliste) _____

4. An (fuinneog) (glan) _____

5. An (máthair) (dílis) _____

6. An (imreoir) (cáiliúil) _____

7. An (leabharlann) (mór) _____

Ceist 5

Déan iarracht na bearnaí thíos a líonadh leis an bhfocal ceart

Tá _____ an Titanic anseo le hoscáil go _____ ag deireadh Mhí Mhárta. Cheana féin tá _____ 50 míle ticéad _____ agus _____ ag súil le os cionn 400,000 cuairteoir ar fad sa chéad _____.

táthar, díolta, foirgneamh, hoifigiúil, os cionn, bhliain,

Ceist 6

Déan iarracht abairt a chumadh chun brí na bhfocal thíos a léiriú:

i. ullmhúcháin, ii. tábhachtach, iii. cathair, iv. an domhain, v. cheana féin.

Treoracha

Ceist 1 Is féidir na ceisteanna seo a phlé i ngrúpaí beaga nó leis an duine in aice leat.

Ceist 2 Builders _____ Tógálaithe
 Building _____ Foirgneamh
 Area/Region _____ Ceantar
 Famous _____ Clúiteach
 Gallery _____ Gailearaí
 Strategy _____ Straitéis
 Ship _____ Long
 Already _____ Cheana féin
 Sold _____ Díolta
 Visitor _____ Cuirteoir

Ceist 3

1. Chuaigh an Titanic go tóin poill ar an dara lá d'Aibreán 1912
Fíor/Bréagach
2. Is é seo an togra turasóireachta is daoire a tógadh sa Tuaisceart.
Fíor/Bréagach
3. Beidh gailearaí ann ag insint scéal an Titanic.
Fíor/Bréagach
4. Tá an foirgneamh tábhachtach i straitéis turasóireachta an Tuaiscirt
Fíor/Bréagach
5. Chruthaigh an togra os cionn seacht gcéad post
Fíor/Bréagach
6. Tá caoga míle ticéad díolta
Fíor/Bréagach
7. Tá siad ag súil le os cionn 500,000 cuairteoir sa chéad bhliain
Fíor/Bréagach

Ceist 4 ‘...an Titanic a **chuaigh** ...’

Briathar neamhrialta-‘téigh’-aimsir chaite atá i gceist.

Briathar	A.Chaite	Abairt
1 Abair	Dúirt	Dúirt mé an méid sin leis inné.
2 Feic	Chonaic	Chonaic mé an ghrian ag dul faoi aréir
3 Faigh	Fuair	Fuair mé mo chuid torthaí an tseachtain seo caite.
4 Téigh	Chuaigh	Chuaigh mé abhaile go dtí m'áit dhúchais anuraidh.
5 Beir	Rug	Rug mé ar an liathróid faoi dhó sa chluiche deireanach.
6 Déan	Rinne	Rinne mé mo dhícheall nuair a bhí mé ar scoil.
7 Clois	Chuala	Chuala mé ar an raidió an lá cheana é.
8 Ith	D'ith	D'ith mé gach briosca a bhí leagtha ar an mbord.
9 Tabhair	Thug	Thug mé m'eochar dó níos luaithe.
10 Tar	Tháinig	Tháinig an Pápa ar cuairt sa bhliain 1979.
11 Bí	Bhí	Bhí mé dána nuair a bhí mé óg.

b) ‘...fomhá thábhachtach’

Tá séimhiú ar ‘tábhachtach’ mar go ndéanann sé tagairt don bhfocal “fomhá”, atá baininscneach. Má tá an aidiacht baininscneach beidh séimhiú ar an aidiacht más féidir.

1. An fear gairmiúil
2. An bhean mhór
3. An cailín cliste
4. An fhuinneog ghlan
5. An mháthair dhílis
6. An t-imreoir cáiliúil
7. An leabharlann mhór

Ceist 5 Tá **foirgneamh** an Titanic anseo le hoscailt go **hoifigiúil** ag deireadh Mhí Mhárta. Cheana féin tá **os cionn** 50 míle ticéad **díolta** agus **táthar** ag súil le os cionn 400,000 cuairteoir ar fad sa chéad **bhliain**.

Ceist 6 Ba cheart abairtí a chumadh chun brí na bhfocal a léiriú

- i. Caithfimid go leor ullmhúcháin a dhéanamh do na scrúduithe.
- ii. Tá do shláinte tábhachtach.
- iii. Tá baile níos mó ná sráidbhaile, ach tá cathair níos mó fós.
- iv. Tá Éireannaigh scaipthe ar fud an domhain.
- v. Chuaigh mé chun Seán a bhailiú ach bhí sé imithe cheana féin

Éimear Ní Chonaola

Tá ullmhúcháin faoi lán tseoil i mBéal Feirste le comóradh céad bliain a dhéanamh ar an long, an Titanic a chuaigh go tóin Poill an dara lá déag d'Aibreán 1912. Ba sa chathair¹ a thóg an comhlacht Harland and Wolff an long.

Áine Ní Ghallchóir

Bhí bail-chríoch á chur ar a mhacasamhail den long Titanic inniu, an togra turasóireachta ba dhaoire a tógadh i dTuaisceart Éireann. Ní "Déanta i mBéal Feirste" mana a bheidh mórán tógálaithe in ann a úsáid i láthair na huaire ach tá os cionn sé chéad post cruthaithe anseo. Tá Titanic Bhéal Feirste suite in aice le habhainn an Lagáin sa cheantar inár tógadh agus inár seoladh an long chlúiteach. Beidh gailearaí san fhoirgneamh ag insint scéal an Titanic agus na ndaoine áitiúla a thóg í.

Tá an foirgneamh sin mar cheann de na foirgnimh is tábhachtaí sa² straitéis turasóireachta don Tuaisceart. Tá sé an- ... tá mé cinnte go bhfuil difear idir an foirgneamh sin agus na rudaí eile atá thart, ar an ábhar go bhfuil sé ar intinn ag an fhoirgneamh³ go bhfuil íomhá thábhachtach⁴ faoin fhoirgneamh, go bhfuil daoine ábalta rud a aithint ar fud fad an domhain agus go bhfuil sé chomh difriúil sin go bhfuil sé ag mealladh daoine chuig an áit.

Áine Ní Ghallchóir

Tá foirgneamh an Titanic anseo le hoscailt go hoifigiúil ag deireadh Mhí Mhárta. Cheana féin tá os cionn 50 míle ticéad díolta agus táthar ag súil le os cionn 400,000 cuairteoir ar fad sa chéad bhliain.

Áine Ní Ghallchóir

Nuacht TG4

Béal Feirste

¹ Sa gcathair a deirtear sa mhír

² insan a deirtear sa mhír

³ canúint Uladh

⁴ tábhachtach a deirtear sa sliocht